

tantillo tempore adeo multiplicati fuerint, ut impleverint totam terram.

R. Neg. maj., et ad verba ex cap. I Exod. cit. dico cum Mario, ea non significare, Hebreos ante mortem Josephi, omnisque cognitionis illius non crevisse: sed verba illa designant, eos non tantum ante, sed etiam post mortem Josephi et fratrum ejus modo crevisses in Aegypto; nam hoc erat quod speciatim notari debebat: tum quia de multiplicatione tunc facta dubium esse poterat, ob miseras quibus premebantur, tum praecepit quia eo tempore feliciter crescebant, et priuam felicitatem superabant. Ac proinde ex verbis illis nihil aliud eruit, quam quod filii Israel post mortem Josephi ac fratrum ejus et deinceps speciali quadam Dei providentia, praeter ordinarium naturae cursum in Aegypto crescere coepit. Vide quae dicentur in cap. I Exod. Q. I.

Obj. V. A Beria filio Ephraim usque ad nativitatem Josue sunt septem generationes successivæ; ut liquet ex lib. I Paral., cap. VII, a §. 25 usque ad 28: atqui illæ generationes non videntur potuisse peragi tempore 70 annorum; atqui hoc moraliter est impossibile; ergo.

Prob. min. Quia illæ generationes debuissent peragi tempore 70 annorum; atqui hoc moraliter est impossibile; ergo.

Prob. maj. Ephraim non genuit Beriam nisi post occisos filios filiorum suorum usque ad quartam ad minus generationem; nam quod duo ultimi eorum, qui a Gethæis occisi leguntur cit. cap. lib. I Paralip., saltem fuerint in quarto gradu linea rectæ cum Ephraim, patet ibidem ex §. 20 et 21: atqui omnes isti occisi videntur anno 90 post ingressum Jacobi in Aegyptum: et deinde ante natum Beriam adhuc facile fluxerunt duo anni; siquidem cap. jam cit. §. 22 dicitur Ephraim multo tempore luxisse propter mortem istorum filiorum antequam gigneret Beriam; ergo pro istis septem generationibus tantum restant anni 70.

Prob. min. Gen. cap. L, 22, dicitur quod Joseph tantum viderit tertiam generationem filii sui Ephraim; ergo etiam supposito quod tertia generatio attigisset plenos annos pubertatis quando mortuus est Joseph, tamen adhuc facile elapsi sunt 19 anni antequam quarta generatio occisa fuerit a Gethæis; ergo filii Ephraim et filii filiorum ejus tantum potuerunt occidi anno 19 post mortem Josephi, et consequenter anno 90 post ingressum in Aegyptum: nam dicti 19 anni, et 71 quibus post ingressum adhuc vixit Joseph, faciunt simul 90. Jam autem si a 215 subtractas hos 90 annos et deinde adhuc 2, qui inde videntur effluxisse usque ad natum Beriam, et insuper 53, quos juxta communione sententiam habuit Josue in egressu de Aegypto, pro septem generationibus tantum restant anni 70.

R. Neg. maj.; nam illi tres qui cit. lib. I Paralip., cap. VIII, 25, nominantur, et ex quorum ultimo descendit Josue, non sunt filii Beria (ut supponit obiectio), sed filii immediati ipsius Ephraim; ut postea

demonstrabimus, quando ex professo de illis generationibus ibidem agemus. Ac consequenter ex argumento proposito non sequitur quod iste septem generationes debuissent peragi tempore 70 annorum: nam cum tunc polygamia esset permitta, potuit Ephraim istos tres filios, ex alia uxore diu genuisse ante mortem patris sui Josephi; et sic etiam in nostra sententia datur sufficiens tempus pro istis septem generationibus.

#### CAPUT XVI.

*Agar secundaria uxor Abrahæ concipit ex eo filium: atque inde superbiens, affligitur a Sara, fugitque in desertum; sed jussu Angeli ei submissa, parit Ismael.*

#### QUÆSTIO UNICA. — DE CONJUGIO ABRÆ CUM AGAR ANCILLA AEGYPTIACA.

Nota quod Abram habuerit Agar tanquam uxorem legitimam quidem, sed secundariam; idque licite, quia illo tempore licita erat polygamia. Hujusmodi autem uxores secundariae in Scripturis sacræ saepe vocantur concubinae. Unde et hoc sensu dicit S. P. Aug., lib. XVI de Civ. Dei, cap. XXV: *Nullo modo est inurendum de hac concubina crimen Abrahæ.* Porro Agar erat quidem genere Aegyptiaca, sed religione Hebreæ (adeoque nec haec ratione culpabile erat illud matrimonium), putatque S. Chrysost. quod ancilla ista fuerit Sara a Pharaone donata. Hoc notato,

Dico 1: *Nulla est hic cupidio lascivie, nulla nequitiae turpitudi.* Ab uxore causa prolis ancilla marito traditur, a marito causa prolis accipitur, ab utroque non culpæ luxus, sed naturæ fructus exquiritur. Ita S. P. loco jam citato. Addit Josephus, Saram a Deo admonitam fuisse, ut suaderet Abræ nuptias Agar; idemque insinuat S. P. lib. XXII cont. Faust., cap. XXXII: aut forte nesciebat Sara, quo pacto Dei promissio de propagando semine esset implenda; atque ita sue sterilitati creditur esse solatum (ut dicitur §. 2) si saltem ex Agar susciperet filios, quod non poterat ex se ipsa, ut ratiocinatur S. P. Aug. lib. XVI de Civ. Dei, cap. XXV.

Dico 2. Spiritu manichæo Calvinus accusat Saram quasi lenam, et Abramum quasi adulterum; quos excusat S. Chrysostom., Hieron., Josephus, et præceteris S. P. August. lib. III cont. advers. Legis, cap. IX.

Dico 3. Quod Abram castitatis amator, ad polygamiam (quaenam tamen propter auctoritatem dispensantis Dei licita erat, et inculpabilis) ægre, et nonnisi ad preces uxoris inductus fuerit, patet ex §. 2 et 3, ubi dicitur: *Cumque ille acquiesceret deprecanti (Sara) tulit Agar, et dedit eam viro suo uxorem.* Unde et S. P. loco prefato de Civ. Dei ait: *Usus est ea quippe ad generandam prolem, non ad explendam libidinem; nec insultans, sed potius obediens conjugi.* Amplius hoc patet ex eo, quod cum postea Agar adversus dominam sterilem superbiret, et hoc Sara suspicione mulierib[us] viro potius imputaret, respondit Abram §. 6.

*Ecce ancilla tua in manu tua est, utere ea ut libet.* Qua dimittendi facilitate satis ostendit Abram, se in Agar, Saræ conjugi pudicitiam custodisse; accepisse, nec petuisse; accessisse, nec hæsisse; seminasse, non amasse, ut ibidem discurrevit S. P.

Obj. I. Rationes S. P. Aug. non sufficiunt ad hoc Abrae factum excusandum: nam prima est, quod usus sit Agar ad generandam prolem, non ad explendam libidinem; atqui non sunt facienda mala, ut eveniant bona; nec sufficit ad recte factum, quod finis agentis sit rectus et bonus, quando ipsum actionis objectum malum est; ergo.

Secunda est, quod hoc non fecerit insultans, sed potius obediens conjugi, hoc est, non tantum ex Saræ consensu, sed etiam suasu et impulsu: atqui facere aliquid ex objecto illicitum suadente et impellente amico, non excusat agentem, nisi Adamum quoque de fructu vetito comedentem velis excusare; ergo etc.

Tertia est, quod hoc ei suaserit Sara eo jure, quo dicit Apost. I ad Cor. VII: *Similiter et vir non habet potestatem corporis sui, sed mulier.* Atqui illa potestas tantum competit uxori in virum respectu sui, non autem ut illam abdicet in gratiam mariti aut tertiae; ergo.

R. Disting. assumpt. Rationes illæ non sufficiunt, ut (non supposita dispensatione in pluralitate uxorum) probent legitimam fuisse illud Abram cum Agar conjugium; concedo: non sufficiunt, ut ab Abram amoveant crimen insanæ libidinis cum ancilla, injuria uxori illatæ, etc., quod impuri manichæi castissimo patriarchæ inurebant; nego antecedent. Porro posterius hoc tantum hic agere intendit S. P. Aug., unde et cap. cit. ita concludit: *O virum viriliter utentem feminis! conjuge temperanter, ancilla obtemperanter, nulla intemperanter.*

Alterum autem alibi clarissime admittit S. P. puta lib. II cont. Advers. Legis et Proph., cap. IX, ubi dicit, quod Agar fuerit figura Synagogæ: atqui Synagoga non fuit adultera, sed vera Dei sponsa; ergo et ipsam Agar fuisse legitimam Abram uxorem insinuat S. P.

Clariss. id ipsum exprimit lib. III de Doct. Christ., cap. XII, ubi ait: *Sufficiendæ prolis causa erat uxorum plurimum, simul uni viro habendurum, inculpabilis consuetudo.* Et quamvis hoc non fuisse necessarium, id sequitur licebat ad multiplicandos fidèles; prout asserit idem S. P. tract. 11 in Joan.

Dico, quanvis hoc non fuisse necessarium, quia necessitatem illam adstrinxit lib. de Bono Conjug., cap. XV, ubi sic scribit: *Tunc autem etiam plures inculpabiliter duebant (uxores) et qui se multo faciliter continere possent, nisi aliud illo tempore postularet.*

Ut in ceteris hic Abrahamum (imo et ipsam Saram) contra manichæos vindicemus, sufficit id quod habet idem S. P. lib. XXII cont. Faustum, cap. XXXII: *Nondum fuerat patefactum, quomodo illius seminis futura esset propagatio: utrum ex carne Abrahæ, si de se ipse generaret, an ex voluntate, si aliquem forte*

*adoptaret. Deinde si de carne ipsius, utrum ex Sara, an ex alia, prorsus nondum manifestum fuit.* Ex quibus verbis recte conjectur, quod Sara, quæ processerat in diebus suis, et naturaliter amplius concipere non poterat, non male fecerit, tradendo ancillam suam Abram, ut saltē per ipsam divina promissio Abram facta adimpleretur.

Inst. I. S. P. lib. de Bono Conjug. cap. XXV docet polygamiam non fuisse peccatum, *quod neque contra naturam committitur, quia (temporibus Patriarcharum) non lasciviandi, sed digniendi causa illis feminis utebantur: neque contra morem, quia illis temporibus ea facilitabantur: neque contra præceptum, quia nulla lege prohibebantur.* Ergo juxta S. P. polygamia nec legi naturali, nec ulli alteri repugnat; ac consequenter rationes supra allatae non supponunt dispensationem divinam.

R. Neg. conseq. et ad verba objecta dico, juxta S. P. polygamiam non fuisse contra naturam, quia nempe non repugnat naturæ fœcunditatis et generationis: ita enim ante eodem lib. se explicaverat, cap. XVII, ubi ait: *Pluribus maritis viuis nullam legimus servisse sanctarum (mulierum) plures autem feminas uni viro legimus (servisse), cum gentis illius societas sinebat, et temporis ratio suadebat: neque enim contra naturam multiplicarum est.* Plures enim feminæ ab uno viro fœtari possunt; una vero a pluribus non potest. Attamen cum his bene consistit, polygamiam fuisse contra legem naturæ, in quantum nempe vir dominium sui corporis, uni feminæ acquisitum, non potest transferre in aliam; in quantum repugnat sociali habitationi, etc., sed cum eatenus tantum repugnet juri naturæ secundario, Deus in eo impropte dispensare potest; et sic ex dispensatione divina Abram licet duxit Agar. Quod autem addit S. P., polygamiam tunc temporis nulla lege fuisse prohibitam, intelligitur de lege positiva et scripta; nam licet in initio mundi fuerit lex divina polygamiam prohibens, tamen hæc sublata fuit primo per dispensationem, deinde per abrogationem; ut docet S. Th. in 4, dist. 53, Q. 1, a. 2, ad 2.

Cæterum pluralitatem uxorum nunc rursus jure divino esse veritam, agnoscit Trident. Sess. 24, Can. 4; item id aperte docet S. P. August. lib. jam cit. aliique patres cum ipso, atque satis clare constat ex Mauth. XIX.

Inst. II. S. P. Aug. lib. XXII cont., Faustum, cap. XLVII, ita scribit: *Quando mos erat (habere scilicet plures uxores) crimen non erat.* Atqui mos seu consuetudo non potest prævalere juri naturæ; ergo signum est, quod juxta S. P. polygamia nullo modo repugnet juri naturæ.

R. Gratis dato, quod per morem intelligat consuetudinem, S. P. hoc dixisse supposita dispensatione divina.

Obj. II. Si polygamia repugnet juri naturæ, sequitur quod antiquis patribus tantum fuerit permitta, veluti repudium uxoris: atqui valde probable est, quod repudiata transiens ad secundas nuptias esse

adultera; ergo et ipsi erant adulteri secundam accipientes.

Confirm. 1. Quia superinductæ uxores earum plurimæ in Scriptura vocantur concubinæ.

2. Quia S. Ambros. lib. I de Abraham concedere videtur, eum ducendo Agar commisso adulterium, sed hoc peccatum tunc nondum fuisse prohibitum.

3. Quia de prætensa ista dispensatione, facta Abrahamo et alii, non constat.

4. Quia alias dispensatum fuisse videretur cum gentilibus, quod non appetit dicendum, cum dispensatio illa respectu eorum etiamnun duraret.

R. Neg. seq. maj., quia licet polygamia modo supra dicto juri naturæ repugnet, fuit tamen in ea improprie dispensatum, nec proinde antiquis patribus fuit nude permitta: quia sic accipiendo secundam uxorēm, fuissem revera adulteri. Porro hoc dici non potest, quia insignes illi amici Dei desuper saltem egissent pœnitentiam, quod tamen non fecerunt: nam si peccasset accipiendo plures, egissentque pœnitentiam, superinductas ejicere debuissent, et tamen in finem ipsas retinuerunt.

Ad confirm. 1 dico, quod sæpe in Scriptura legitimæ uxores vocantur concubinæ, quia non erant primariæ, nec familiae administrationi se immiscere poterant; sed tantum secundariae, et ad solum conubitum jus habebant. Erant tamen legitimæ uxores, tum quia earum filii cum aliis non primogenitis paternam hæreditatem dividebant, ut putant multi: tum maxime, quia de Sara hic y. 50 legimus: *Dedit eam (Agar scilicet ancillam suam) viro suo uxorem: ergo et secundariae in Scriptura vocantur uxores.*

Ad 2 dicendum, quod S. Ambros. id magis ex aliena sententia, quam ex propria dixerit; cum adducat explicationem aliam, qua excusat Abramum a peccato ob rei postmodum gerendæ mysterium (ipsi utique notum) quod exprimitur ad Galat. IV, 22.

Ad 3 dico, de facta ista dispensatione satis constare a posteriori: quia injuriosum est de sanctis istis patriarchis dicere, vel quod ignoraverint polygamiam sibi non licitam, vel, si noverint illam revera sibi fuisse illicitam, quod eam practicaverint, nec de damnabili praxi unquam fuerint admoniti, vel egerint pœnitentiam. Sicut ergo in initio mundi Deus inspiravit Adamo, quod ex primæva institutione matrimonii *unus unicæ adhædere deberet*; ita et Abramo inspiravit ad tempus in ea lege esse dispensatum: cuius (utpote viri sanctissimi et Deo gratissimi) exemplum sufficere potuit, ut factam dispensationem agnoscerent ceteri.

Quidquid sit, dispensatum fuisse cum antiquis Patribus in hac materia, asserit cap. *Gaudemus de divortiis*: postea autem id abiit in morem, Deut. XXI approbatum et confirmatum, tandemque facta est aliqualis abrogatio Legis, ait S. Thomas.

Ad 4 igitur dico, quod etiam Gentiles istis temporibus licet plures duxerint uxores: neque enim alias Esther nupsisset Assuero, etc.; posita tamen revocatione Christi, secunda infidelium matrimonia deinceps

fuere invalida; licet aliqui ex ignorantia invincibili a peccato formaliter potuerint excusari.

### CAPUT XVII.

*Deus mutato nomine Abrœ, novum cum illo fœdus init, pactique signum instituit, circumcisionem; nomine quoque Sara mutato, ex illa promittit ei filium Isaac: circumcisionis præceptum in se suisque exequitur Abraham.*

QUESTIO I. — QUANDONAM, ET IN QUEM FINEM INSTITUTA SIT CIRCUMCISIO.

Resp. et dico 1. Manifestum est ex textu hic y. 10 et seq. quod circumcisionis a Deo fuerit instituta, et primo omnium Abrahemo pro se suisque posteris specialiter a Deo electis (adeoque per lineam Isaa et Jacob descendantibus) sub gravi poena præscripta. *Hoc est pactum meum (inquit Dominus) quod observabitis inter me et vos, et semen tuum post te. Circumcidetur ex vobis omne masculinum. Et circumcidetis carnem præputii vestri, ut sit in signum fœderis inter me et vos.... masculus cuius præputii caro circumcisæ non fuerit, delebitur anima illa de populo suo, quia pactum meum irritum fecit.* Item y. 13. *Eritque pactum meum in carne vestra in fœdus æternum.* Denique et y. 21. *Pactum vero meum statuum ad Isaac, quem pariet tibi Sara tempore isto in anno altero.*

Porro nisi tunc fuerit a Deo primum instituta circumcisionis, non potuit dici signum speciale divinae electionis, distinctivum populi Dei, representativum fœderis inter Deum et Abrahamitas, etc.; ergo praxis circumcidendi tunc sumpsit exordium. Sententia haec est S. P. Aug. lib. XVI de Civ. Dei, cap. XXVI, S. Chrysost. Hom. 59 in hunc locum, Irenei lib. IV, cap. XXX, S. Justini Mart. in Dial. cum Tryphone: aliisque Ecclesiæ patres et doctores in hac ipsis consentiunt.

Videtur autem institutæ circumcisionis hic fuisse processus. Primus omnium eam a Deo accepit Abraham: ab Abraham autem Isaac, Ismael, et filii Cethuræ: ab Isaac Jacob et Esau; horum primus eamdem propagavit in posteros suos Israelitas, secundus vero in Edomitas seu Idumæos. Ab Ismael vero filio Agar eamdem acceperunt Arabes et Aethiopes; ab his vero Saraceni et Turci. Denique per Cethuræ filios in varias nationes ex illis exortas, successive propagata est.

Quia vero semen Israel peregrinum fuit in Egypto, plausibiliter sustineri potest, quod circumcidendi ritus Egyptii aliqui assumere incœperint sub Josepho, ut potentissimo pro regi suo placerent, a quibus ad varios alienigenas pervenit.

Obj. I. Josue V circumcisio omnibus qui pati fuerint in deserto, y. 9: *Dixit Dominus ad Josue: Hodie abstuli opprobrium Egypti a vobis.* Atqui illud opprobrium consistebat in eo, quod Egyptii probrosos et infames existimarent incircumcisos Judæos; ergo signum est, quod circumcisionis in estimatione fuerit

*Ægyptiis, antequam esset Hebræis. Ita ratiocinatur Marshamus.*

R. Neg. min. Quia explicante Theodoreto Q. 4 in Josue, opprobrium illud erat servitus Ægyptiaca, qua isto tempore plene liberati fuerunt, et auctore Deo, cessanteque assidua peregrinatione, quæ circumcisionem per 40 annos impediverat, eamdem réasumpserunt.

Quin imo, si circumcisionem tanto honore duxissent Ægyptii, Deus præcipiendo ipsis eamdem, illos potius Ægyptiorum opprobrio subjecisset, quam illud ipsum ab ipsis abstulisset. Quid enim majus opprobrium esse potest populo Dei, quam alienis ritibus a Deo non institutis invitum subjici?

Obj. II. Illi primi habuerunt circumcisionem, qui inter circumcisos primum in Scriptura locum obtinent; atqui illi videntur Ægyptii esse; ergo.

Prob. min. Quia Jeremiæ IX, 25 et 26, dicit Dominus: *Visitabo super omnem qui circumcisionem habet præputium, super Ægyptum et super Juda, et super Edom et super filios Ammon, et super Moab, et super omnes qui atlensi sunt in comam, habitantes in deserto.* Ergo Ægyptii inter circumcisos primum in Scriptura locum obtinent.

R. Neg. min. Et ad prob. distinguo conseq. Ergo Ægyptii inter circumcisos (quales erant tempore Jeremiæ) primum locum obtinent, quia propter duritiam cordis durius erant cæteris puniendi; concedo: quia circumcisionem primi omnium admirerant; nego conseq. Fuerunt ergo Ægyptii inter circumcisos primi in Scriptura nominati ordine futuræ castigationis, non autem ordine assumpte circumcisionis.

Dico igitur, quod propheta nihil aliud velit, nisi quod non prosit circumcisionis carnis sine circumcisione cordis; adeoque quod Deus omnes visitatus sit seu puniturus, quia, ut subditur, *omnes gentes præputium habent* (hoc est incircumscisi sunt carne et corde), *omnis autem Domus Israel incircumscisi sunt corde.*

Dictum est, quod Ægyptii tempore Jeremiæ essent circumcisi; quia circumcisionis inter illos saltem non tam frequens fuit in nativitate Moysis: cum enim filia Pharaonis aspexisset parvulum Exod. II, 6, dixit: *de infantibus Hebræorum est.* Id autem juxta Theod. ex circumcisione Moysis carne conjectit. Porro hoc ex eo conjicere non potuisset, si illo tempore tam frequens inter Ægyptios circumcidendi praxis fuisse.

Obj. III. Joan. VII, 22, dicit Christus Israelitis: *Moyses dedit vobis circumcisionem.* Ergo saltem eam non acceperunt ab Abraham, Isaac, etc.

R. Disting. conseq. Ergo eam non acceperunt ab Abraham, etc., verbo seu mandato scripto; transeat: mandato saltē tradito; nego conseq. tum quia illud clarissime hic exprimitur, tum quia loco objecto subdit Christus: *non quia ex Moyse est, sed ex Patribus*, qui revera fuerunt Abraham, Isaac, etc., non vero Ægyptii.

Obj. IV. Herodotus lib. II, cap. CIV, ut contendit Marshamus, ita scribit: *Soli omnium hominum Colchi, et Ægyptii, et Aethiopes ab initio statim pudenda cir-*

*cumcidunt: nam et Phœnices et Syri, qui sunt in Palestina, didicisse id ab Ægyptiis et ipsi confidentur. Simile quid asserit Diodorus Siculus lib. I, pag. 47: idem quoque olim tenuit Celsus, etc.*

R. Auctoritatem illorum Auctorum in hoc puncto nullius esse momenti, tum quia clarissimis Scripturae textibus repugnat, tum quia refutantur ab Origene, Josepho, Eusebio, aliisque historicis rerum judaicarum peritoribus. Hæc itaque releganda sunt ad reliquias fabulas, quas ad gentis sue auctoritatem et commendationem ambitiosi Ægyptii fixerunt.

Obj. V. Videtur Deo indignum, quod singularis benevolentiae sua signum in membro pudendo figere voluisset.

R. Neg. assumpt.; Præterquam enim, quod apud infinitam Dei sapientiam stet pro ratione voluntas, varia tamen rationes allegant Auctores; puta, quia mediante eo membro peragitur generatio carnalis, et transfunditur peccatum originale, quod tunc per circumcisionem, tamquam per conditionem *sine qua non*, remittetur; item quia in isto membro inobediens Adam primo sensit carnis sue rebellionem, quæ etiam in renatis remanet ad agonem, etc.

Dico 2. Finis vel ratio, propter quam instituta fuit circumcisionis, indicatur y. 11, ubi dicitur: *Ut sit in signum fœderis inter me et vos.* 1. Itaque erat signum pacti inter Deum et Abraham, ejusque posteros initi, quo admonerentur se esse populum Dei; et sicut circumcisione a gentibus distinctum, ita et divino cultui principaliter mancipatum, quo etiam Deus ostenderet se esse eorum Deum et protectorem.

2. Erat signum representativum fidei Abraham, et justitiae per eam acceptæ, ut ait Apost. ad Rom. IV.

3. Erat signum purgativum originalis peccati, et prefigurativum Baptismi. Allegorice circumcisionis typus fuit pœnitentia, qua circumciditur et remittitur peccatum. Tropologice significat mortificationem luxuriae, seu carnalium voluptatum; anagogice significat perfectissimam circumcisionem omnis mortalitatis per resurrectionem.

Petes. cur y. 12 differatur circumcisionis infants in octavum diem.

R. Quia ante illum diem infans nimis tener est: si tamen ante octavum diem vitæ periculum adiret, poterat aequa, ac femina, salvari remedii et ritibus Legis naturæ. Poterat etiam justa de causa circumcisionis differri post octavum diem; ut dilata est in deserto per quadraginta annos ob continuam peregrinationem, Josue V, 6. Ita Theodoretus.

QUESTIO II. — QUO SENSI DICATUR y. 14: *Masculus, cuius præputii caro circumcisæ non fuerit, delebitur anima illa de populo suo: quia pactum meum irritum fecit.*

Resp. et dico: Verba hæc tripli modo exponi posse videntur, juxta triplex genus deletionis, seu mortis. 1. De morte civili, ut *deleri de populo* idem sit, ac non censeri membrum illius populi, seu proscribi de republica, ut sensus sit: *Masculus omnis,*